



**AMBASSADE
DE FRANCE
EN BOSNIE-
HERZÉGOVINE**

*Liberté
Égalité
Fraternité*

Poziv za prijave
Stipendije francuske vlade za dvojni doktorat 2022./2025.
"Izaberite izvrsnost francuskog istraživanja za vaše doktorske studije"

Francuska vlada svake godine dodjeljuje stipendije za doktorat studentima iz Bosne i Hercegovine koji imaju odličan akademski nivo.

Ovaj stipendijski program finansira troškove upisa na doktorat za tri univerzitetske godine počev od 2022./2023., kao i troškove života putem mjesečne naknade (za period od 6 do 10 mjeseci u roku od tri godine), te omogućava brojne druge prednosti.

Dokumenti za prijavu

Zainteresovani kandidati trebaju dostaviti slijedeće dokumente :

- **Obrazac sa podacima** (popunjen na francuskom ili engleskom jeziku)
- **Kopija bh. pasoša**
- **Pismo motivacije** (na francuskom ili engleskom jeziku)
Pismo motivacije ima za cilj da sa jedne strane precizira interes studenta za studiranje u Francuskoj i, s druge strane, svrsishodnost odabira željenog studijskog programa s obzirom na profesionalni plan studenta.
- **Plan istraživanja u okviru zamišljenog doktorata** (na francuskom ili engleskom jeziku) (maksimalno 2 stranice + bibliografija od maksimalno jedne stranice)
- **Curriculum vitae** (na francuskom ili engleskom jeziku)
- **Kopiju ocjena** predmeta tokom mastera (na bosanskom) i **prevod tih ocjena** na francuski ili engleski jezik (nije neophodno imati ovjereni prevod).
- **Kopija zadnje dobijene diplome**
- **Ukoliko je potrebno, kopija potvrda o poznavanju jezika**

Svi dokumenti se trebaju poslati **obavezno u PDF formi najkasnije do četvrtka, 23.decembra 2021. do 12.00 sati (podne)** na slijedeću e-mail adresu : stipendije2022@institutfrancais.ba.

Registracija prijave biće potvrđena e-mailom u roku od 72 sata nakon prijema iste. Nepotpune prijave neće biti uzete u razmatranje.

Kriteriji odabira

Žiri koji odlučuje o dodjeli stipendija vodiće računa o više kriterija, a posebno o slijedećim : kvalitetan curriculum vitae, izvrsni univerzitetski rezultati, motivacija studenta, kvalitetan istraživački projekat, opravdanost odabrane teze (napomenuti u zahtjevu željene istraživačke laboratorije / univerzitete na koje se kandidat želi prijaviti) i usklađivanje odabrane teze sa profesionalnim planom.

Tokom selekcije, Ambasada može obaviti razgovore sa kandidatima.

Od naredne akademske godine moguće je stipendiranje isključivo dvojnih doktorata (*cotutelle*), osim ako je kandidat u finansijskoj mogućnosti da sufinansira minimalni godišnji boravak u Francuskoj u trajanju od 6 mjeseci.

Konačna dodjela stipendije uslovljena je prijemom na neki doktorski program do 31. oktobra 2022. Nikakvo odlaganje neće biti prihvaćeno.

Rezultati

Francuska ambasada će putem e-maila obavijestiti kandidate o rezultatima najkasnije početkom marta 2022. Broj mjeseci tokom kojih će se dobijati stipendija (6 do 10) biće tada preciziran. Biće napravljene glavna i dodatna lista.

Najkasnije 10 dana nakon objavljivanja rezultata, kandidati trebaju potvrditi svoj interes za stipendiju. Ona će postati efektivna nakon što francuska visokoškolska ustanova pismeno potvrdi prijem kandidata na doktorski studijski program do 31. oktobra 2022. (i pod uslovom da Ambasada prethodno potvrdi visinu troškova upisa na odabrani studij).

Do kraja maja 2022. kandidati će biti pozvani da učestvuju u pripremnom seminaru za odlazak.

Dodatne informacije

- **Na web stranicama** Francuske ambasade i Francuskog instituta u BiH: ba.ambafrance.org
www.institutfrancais.ba
- **Na Facebook stranicama** Francuske ambasade, Francuskog Instituta i Ureda Campus France BiH
[@france.bosnie](https://www.facebook.com/france.bosnie) [@CampusFranceBiH](https://www.facebook.com/CampusFranceBiH) [@francuskiinstitutbih](https://www.facebook.com/francuskiinstitutbih)
- **U uredima Campus France Bosnie-Herzégovine (isključivo na zakazani termin) :**
 - U Sarajevu : zeljka.divkovic@institutfrancais.ba (Tina Ujevića 8)
 - U Banjaluci : banjaluka@institutfrancais.ba (JU NUB RS Jevrejska 30)
 - U Mostaru : mostar@institutfrancais.ba (Kalajdžića 1)